



UNIVERSITÄTS-
BIBLIOTHEK
PADERBORN

**Roma Sancta sive Benedicti XIII. Pontificis Maximi &
Eminentissimorum & Reverendissimorum S. R. E.
Cardinalium Viva Virtutum Imago Æri & literis in
perennaturam Virtutum memoriam incisa**

Conlin, Johann Rudolph

Augustæ Vindelicorum, Anno MDCCXXVI

VD18 10209328

No. LXVII. Vincentivs Petra Neapolitanvs.

[urn:nbn:de:hbz:466:1-72633](https://nbn-resolving.de/urn:nbn:de:hbz:466:1-72633)

VINCENTIVS PETRA NEAPOLITANVS

Vincentius Petra Neapolitanus, Archiepiscopus Damascenus, Signaturæ Gratiæ Decanus, Episcoporum & Regularium Secretarius S. R. E. Presbyter Cardinalis natus est A. 1662. Nobilissimam Parthenopen nactus patriam, qui cùm in Purpuræ honorem veniret, Roma, Austria, & Neapolis unà lœtari visæ. Pla-
nè haud facilè in toto terrarum orbe, si territorium Pontificium excipere veli-
mus, ullum regnum reperias, unde plures Pontifícia Mytrâ & Sacré Purpurâ in-
cliti Viri prodierint, sive ingens pretium Sacræ Romæ fecerint, quām Re-
gnum Neapolitanum. Neapolitani fuere Maximi Pontifices S. Soter, S. Hormida,
S. Sylvester, S. Bonifacius V. S. Honorius, Victor III, Gregorius VIII. Urba-
banus VI, Joannes XXII, Paulus III, Innocentius XII. Quis Sacros Purpuratos,
quos Regia Parthenope dedit, satis enumeret, aut merita recenseat? Joannes
Campanus Neapolitanus, cùm à decem præcipuis Cardinalibus Romanus Pon-
tifex electus & proclamatus fuisset, ad evitandum schisma Electioni suæ liberè ce-
debat, quantum eo culmine dignior potioribus viis, eò submissior. Roffe-
dus de Insulâ Neapolitanus Tancrem Siciliæ Tyrannum, sapientiâ dedomuit,
armis repressit, quām intemeratus ad aram mysta, tam bonus in arenâ Martis
miles. Petrus Capuanus Neapolitanus, in eo totus erat, ut Cruce signatas Fide-
lium copias pro terræ Sanctæ recuperatione contraheret, cùm quibus ipse in Sy-
riam trajecit, & victoria Christianorum vexilla ibidem defixit. Petrus Moranus
Neapolitanus Epistolarum Decretalium librum Innocentii III. Summâ diligentia
collegerat. Thomas de Capua Neapolitanus jura Pontificia adversus Fridericum
Imperatorem egregiè tuebatur. Theobaldus Ceccanus Neapolitanus, Aposto-
licus Legatus ad Principes Germaniæ missus, Rudolfi Habsburgici in Romano-
rum Imperatorem electionem prudentissimo suasu promovit. Gentilis de San-
gro Neapolitanus quām illustris familiâ, tam literis præclarus erat. Landulphus
Mauromannus Neapolitanus in Generali Concilio Constantiensi Pontificius Le-
gatus egregiam operam navabat, ut dolendum ejus temporis schisma abolere-
tur. Rainaldus Brancaccius Illustris Neapolitanus tam insignium vir meritorum
fuit, ut ab Urbano Pontifice, difficillimis temporibus, cunctis Patribus tan-
quam vivum quoddam sinceritatis & constantiæ simulacrum ad imitandum pro-
poneretur, sive throni firmissimum fulcimen appellaretur. Guilielmus Sirlet-
tus Neapolitanus Vir erat suo saeculo scientiis nulli secundus, quem spirans Mu-
seum nominabant, & vivam Christi Bibliothecam, certè sic græcè, sic latine,
sic hæbraicè loquebatur, ut in iis linguis natus potius quām doctus videretur.
Octavius Aquaviva Neapolitanus in legendis libris Divi Thomæ Aquinatis totus
hærebat, & brevi duorum annorum cum dimidio spatio totam ejus Theologiæ
summam in Epitome redegerat. Dominicus Tuscas Neapolitanus ex tribuno
egregius jurisconsultus, ex Jurisconsulto Canonicus Rhagensis, ex Canonicô
Gubernator Romanus, ex Gubernatore Romano Cardinalis; ex Cardinali Leo-
ne XI. extincto pene Pontifex, compluribus Cardinalibus ad eum evehendum
intentis factus fuerat. Ladislaus Aquinas Neapolitanus vir erat mirificè in pau-
peres liberalis, cuius ea perpetuò vox excipiebatur: *tibi derelictus est pauper, orpha-
no tu eris adjutor.* Idem post obitum Pauli V. communi omnium persuasione eli-
gendus erat in Pontificem; sed colligenda tunc fuere yasa, non vota; nam
spiri-

spiritum eodem in conclavi posuit, summæ dignitatis Candidatus. Ascanius Philamarinus nobilissimus Neapolitanus, ejus etiam Urbis Archiepiscopum agebat, & ita agebat, ut frequenter dicere auditus fuerit, *Ecclesiam non esse suam, sed se Ecclesie esse.* Antonius Sanseverinus Neapolitanus non sine Sanctimoniae opinione vivere desit. Hieronymus Seripandus Neapolitanus, Apostolicus ad Concilium Tridentinum Legatus non ante labores, quam vitam Tridenti posuit. Oliverius Caraffa Neapolitanus classi maritimæ Christianorum adversus Turcas præfetus, Purpuræ honorem Sacris triumphis, Smyrnā occupatā, condecorabat. Carolus Caraffa Leopoldo Magno acceptissimus, ejus manibus rubeum biretum Ratisbonæ accipiebat, præsentibus quatuor Imperii Electoribus, Moguntino, Trevirense, Bavarо, & Saxone. Petrus Aloysius Caraffa Duxem Bullionem eximio suo zelo ad orthodoxa Sacra traduxerat. His aliisque magno numero Purpuratis, quos Regia Parthenope progeniuit, magnum incrementum, Vincentius Petra Neapolitanus accessit, planè dignissimus, quem Benedictus XIII. sui similem ubivis quærens, elegerit. Nobilissimorum Procerum Neapolitanorum prosapia pregenitus, literarum eximiâ culturâ non minus in clarescebat; cuius nulla major voluptas erat, quam in volvendis rerum memorabilium monumentis perpetuo versari; modò egregium laborem in id impendit, eoque in studio dies noctesque insudat, ut Apostolicas constitutiones, publico prælo committendas, doctissimo calamo conficiat, cui præclaro operi, ut ultimam manum impendat, à Sanctissimo Patre Paternis stimulis ultrò currens animatur; nec dubitatur, quin opus sit proditurum, quod suum authorem in oculis orthodoxi orbis pretiosum reddat. Frater est Dux de Vastogirado, cuius inclytum in regno Neapolitano nomen. Cùm Virtus, doctrina, nobilitas Vincentium commendarent, Archiepiscopus Damascenus à summa sede denominabatur; ut unde primum hominem creatum novimus, inde novum vas Electionis Damasco ex agro prodiret: certè alata ipsius desideria Europæus orbis non capit; hinc in terras infidelium, novus Damasci Archiepiscopus, eximii zeli remigio, trajicere visus. Certè pro reliquiis Christiādum, iis in terris conservandis, unicè insudat: Prout etiam hodie dum egregios Damasceni agricultores Societatis IESu Religiosos, nec non R. R. P. Carmelitas, & Franciscanos, in ipsa etiam urbe Damasco residentes videmus, qui pro Christiana religione egregiè insudant. Postea Vincentius Petra Signaturæ Gratiae Decanus, nec non Sacrae Congregationis Episcoporum & Regularium Secretarius nuncupatus est. Nam cùm in eo singularis quædam probissimorum monitum integritas appareret, summis quibusve muniis dignissimus judicabatur. Placè Benedictus XIII. in paucis eximium habuit, ejus religioso zelo, & suavi confortio mirificè captus, utpote per complures aliquando horas cum eo conversatus. Hinc intimæ familiaritatis jure sibi conjunctum, pro insignibus animi & naturæ dotibus, primos inter sibi Cardinalem creandum censebat. Nec etiam in virtute omnibus nota quisquam hærebat, sed commune Romanorum gaudium eam electionem insequebat. Ea contigit die vigesima Novembris Anno 1724. cum luculento laudiu ejus præconio. Die tertia abhinc rubeum Galerum è manibus Sanctissimi Patris accipiebat, præsentibus XXX. ad minimum S. R. Eccles. Purpuratis, qui tam nobile Gemma Sanctissimo Collegio suo adlectum publicè lœtabantur. Ideo tempore memoratu dignum contigit, quod cùm ad Pontificium Sacellum Sacrum Galerum accepturus, accederet, Columba supra Viri verticem aera seceret, & rectâ ad altare tenderet, quod plurimis optimi omnis loco habitum, Titulum S. Onuphrii obtinebat; Cæterum prout nomine Petram reierit, sic prorsus insignia Viri merita spem exhibere videntur, Petram aliquando futurum, cui suam Christus, Caput Invisibile Ecclesiam superædificet.

Cee

No.